



**Vniuersa Theologia Scholastica, Speculatiua, Practica**

Ad methodum S. Thomæ, quatuor Tomis comprehensa

**Tanner, Adam**

**Ingolstadii, 1626**

III. Quid particulatim de translatione sagarum ad conuenticula diabolica  
sentiendum.

---

[urn:nbn:de:hbz:466:1-72856](https://nbn-resolving.de/urn:nbn:de:hbz:466:1-72856)

moueatur illa pars cui præsens est, hæc vero secum alias, ob mutuam solidamque connexionem, quæsi pertrahat, ut pluribus declarat Suarez cit. c. 3 l.

**ASSERTIO VII.** Potest tamen etiam Angelus mediante corpore, seu instrumento corporeo, alteri corpori, mobili, impetum seu vim motuam imprimere, & ita mediante impetu impresso mouere; idque re ipsa necessario fit, quando Angelus mouens, mobili, dum ita mouetur, præsens non est. Ita Suarez hic & Metaph. disp. loc. citat. & consentiunt à fortiori Vasquez & Molina mox citandi. **Ratio est.** Quia quicquid per seipsum immediate potest aliquid corpus mouere, eo ipso etiam potest id ipsum corpus violenter impellere in aliud corpus; vt ita huic impetus seu vis motuam imprimatur. Quibus consentiunt ea, quæ à spiritibus nocturnis non unquam factitari audimus, vt cum lapides, vasa, resq; alias in ædib; hinc inde proiecunt, & collidunt. Ex quo sequitur Angelos posse mouere corpora, non solù quasi portando, aut trahendo, sed etiam projiciendo, saltè mediante alio corpore, tāquam instrumento, vt dictum,

**ASSERTIO VIII.** An vero possit Angelus per seipsum immediate corpori imprimere impetu, seu qualitatē motuā, vel nō, incertū est, & utrumq; probabile. Probatur & declaratur. Affirmant enim sententiā tradūt Molina q. 110. a. 3. & Vasquez cit. d. 218. n. 9. & suaderi potest. Tū quia vtroq; modo posse mouere corpus, scilicet immediate per se, & mediate impetu seu impulsu, cuiusdā perfectionis est, quæ cū hominibus conueniat, non videtur deneganda Angelis, cū habeant virtutē motiuā multo præstantiorē, quā homines. Tū quia ciudē virtutis esse videtur, mouere aliquid violenter, & qualitatē motuam transeuntem ad hoc imprimere.

Negatiuam autem velut probabilem tuerit Suarez Metaph. d. 35. sec. 6. n. 24. & 25. tametsi hic cit. l. 4. c. 31. a. n. 9 rem in medio dubiā relinquit, ratus utramq; partē esse probabile. **Ratio est.** Tum quia ex communi Doctorū sententiā, Angelī nō possunt aliqd extra se efficere immediate, præter motu localem, non autem aliquā qualitatē, quæ est etiā impetus ille seu impulsus, qui nihil aliud est, omnī fententia, quā qualitas motiuā. Tum quia ex suo genere perfectior est modus ille mouendi per seipsum immediate, quam mediante impetu, non solum quia magis conaturalis est, vt dictū, sed etiā quia hac ratione motus ipse magis in potestate mouentis est, eiusq; arbitrio plenius subiacet. Cū ergo Angelus facile possit omnia mouere immediate per seipsum, vt ex dictis colligitur, non opus habet vi produciū impulsū: praterquā quod ipsum etiā impulsū, si coquandoq; opere est, efficere potest saltem mediante alio corpore, velut instrumēto, vt dictum: sicut etiā cæteras qualitates & formas, quas corpora per seipsum immediate producunt, Angelī non possunt producere, nisi mediantibus causis secundis vt dicetur. Ex quibus etiam patet responsio ad contraria fundamenta.

**ASSERTIO IX.** Vis motiuā Angelī determinata est, non solù quoad pondus mobilis, seu qualitatē corporis mouendi, si in motu resistentiā habeat: sed etiā quoad velocitatē motus, in quocunq; determinū mobili efficiendi: ita vt non possit Angelus na-

turaliter quocunq; velit corpus & quanta velit, celeritate loco mouere, sed vt determinata suiq; vi:ibus non imparem molē ea celeritate mouere possit, quæ naturali ipsius Angelī perfectioni respondet. Ita ex confundi & certa Vasquez d. 197. Suarez Metaph. d. 35. sec. 6. & hiel. 4. c. 32. & Delius l. 2. disquisit. Mag. q. 16. vbi etiam contrarium damnaſſe fertur articulus quidam Parisiensis.

**Ratio est.** Qui a virtus motiuā Angelī fuita est. Ergo determinata ad certā velut quāritatē obiecti, & velocitatē perfectionē. Dixi tamen, si mobile resistentiā habeat: hinc enim tantū, & nō ex ipsa precipite magnitudine mobilis petenda est limitatio & determinatio virtutis motiuā. Quod si corpus resistentiā ad motū non habeat, vt est cœlū, nil obstat, quo min⁹ aliud maius etiā in infinitum syncategoreticē ab Angelo moueri possit, vt recte Suarez hic lo. cit. & particulatum dicitur d. seq. q. 4. dub. 3. Sicut ob eandem causam diximus supra, posse Angelum non resistentem etiam superiorē a quolibet inferiori Angelo moueri.

E contrario, si mobile resistentiā habeat, vt habent omnia grauiā, imo etiā omnia sublunaria, sive ex se, sive ex parte medijs fieri poterit, vt mobile tāta sit resistentiā, quæ ab Angelo naturaliter superari nō possit, vt credibile est, re ipsa ob hanc quoque causam, etiā abstrahēdo à lege Dei hoc in pudente, totā terrā ab uno Angelo moueri nō posse. Ut vero nōnulli docuerunt, posse Angelū scipsum maiori & maiori celeritate in infinitū mouere, eo quod resistentiā nō habeat, ita existimat Suarez hic non improbabile, posse Angelū qualibet maiori celeritate in infinitū mouere cœlum, aliudque mobile, quod nullā resistentiā habeat, sed contrariū est verius, vt ipsius fatetur, & suo loco dictū supra q. 2. du. 8. De motu vero celorum per Angelos pluribus agetur d. 6. q. 4. dub. 3.

D V B I V M 'III.

*Quid particularium de translatione sagarum ad earundem conuentus sententiarum: an vere, & quare ratione à diabolo transferantur.*

Ad S. Thomæ p. 1. q. 110. art. 3.

**Q**via generalis doctrina per se parum utilitas habet, nisi quoad opus est, etiam ad particularia, velut ad praxin possit applicari, opera preium est, illam multorum indicis ventilatam questionem, cum tradita hactenus doctrina coniunctam discutere, an nimis, & qua ratione sagae seu striges, utriusque sexus, à dæmons verē & corporaliter transferantur, ad nocturna illa, que omnium ore celebrantur, conuenticula, in quibus omnis generis nefaria criminis, nefandasque voluntates exerceant. Quæ quæstio tamē ad iudicia de sagis rite ferenda non parum habeat momenti, non tamen ad tribunalia iudicium, sed cathedras Theologorum ventilata pertinet, ut pote ex principijs Theologicis potissimum, non ex fori legibus decidenda.

Sunt autem hac de re vniuersim duas scriptorum sententiarum. Prima vniuersim negat, sagas sive

striges

striges verè & corporaliter ad eiusmodi conuenticula à dæmone transferri; ratiæ & træssationes solum esse phantasticas, & delusiones imaginarias, à dæmone huic hominum generi inmissas, ut somnijs delusi existimant; se vere corporaliter à dæmone transferri, cum re ipsa tamen domi inmobiles perseveruerent. Ita sentiunt nō solum Acatolici Scriptores communitatem Wierius, Codehnanus, Agrippa, & Sectariorum huius temporis Antesignani, Luthe-  
rus & Melanchthon, quos refere Martinus Delrius lib. 2. Disquisit. Mag. q. 16. sed ex ijs etiam, qui Ca-  
tholicum nomen profertur, non pauci Iurecon-  
sulti seu physici apud eundem, tum Itali, in quib⁹ Poncinius, lib. sing. Porta, Alciatus; tum Galli,  
speciatim Duarenus, Arodius, Michael Montan⁹;  
& ex Hispanis, F. Samuel lib. sing. Author Forta-  
litij, Martinus de Arles; denique ex Germanis,  
Philippus Camerarius, Ulricus Molitor, Leonar-  
dus Vairius, & alij.

Cuius quidem sententia fundamentum præci-  
pum petitur ex Iuris Canonici decreto, Can. Episcopi 2. 6. q. 5. qui tribuitur ibidē Cœcilio Acqui-  
rensi seu Ancyrano c. 1. Verba autem Canonis ita  
habent: Episcopi, corumq; ministri, omnibus modis elabo-  
rare studeant, ut perniciosem, & à Zabulo inuentam for-  
tilegammagamicam artem, ex parochijs penitus eradicent; &  
si aliquem virū aut mulierē huic semodi sceleris factō  
inuenientur, turpius debonatum, de parochijs suis ejici-  
ant. Ait enim Apostolus (ad Tit. 3.) Hæreticum homi-  
nem post primam & secundam correctionem deuita; sciens  
quia subuersus est, qui huiusmodi est. Subversi sunt, & à  
diabolo captiū tenentur, qui relatio Creatore suo, diaboli  
suffragia, quarant: & ideo tali peccati mūdarī sancta  
Ecclesia. Hæc prima pars Canonis est. Secunda altera.

Illud etiam non est omitendum, quod quādam scelerata  
mulieres, retro post satanam conuersa, dæmonum illusioni-  
bus & phantasmatibus seductæ, credunt & profertur,  
se nocturnis horis, cum Diana Dea Paganorum, vel cum  
Herodiade, & innumeris multitudine mulierum, & equitare  
super quādam bestiis, & multarum terrarum spatiis in-  
tempore nocti, silenti pertransire, eiusq; insimul obedi-  
re, velut domina; & certis noctibus ad eius seruitium  
euocari. Sed utinam bala in sua perfidia pergyssent, &  
non multis secum ad infidelitatem interitum perpraxisent.  
Nam in numeris multitudine, hac falsa opinione decepta, hac  
vera esse credunt, & credendo a recta fide deviant, &  
errore paganorum inuoluuntur, cum aliqd diuinitatis,  
aut Numini, extra unum Deum arbitrantur. Hæc est  
propositio de sagarum ei⁹ temporis criminis & in-  
fideli persuasione, sequitur decretum & constitutio,  
cui simul adiungitur ratio & declaratio.

Quapropter Sacerdotes per Ecclesiæ fbi commissos, po-  
pulo Dei omni infantia predicare debet, ut neuerint, hæc  
omnino falsa esse, & non à diuino, sed à maligno spiritu talia  
phantasma mentibus fideliū irrogari. Siquidē ipse Sa-  
tanæ, qua transfigurat se in Angelis lucis, cum mente cui-  
uscunq; muliercola ceperit, & hanc per infidelitatem fbi  
subiunguerit, illuc transformat se in diversis species per-  
sonarū, atq; similitudines, & mentes, quā captiuā tenet, in  
somnijs deludens, modo lata, modo tristia, modo cogitas,  
modo incognitas personas ostendens, per deūia quaq; deducit:  
& cum solua spirituā hoc patitur, infidelis mens hoc non in-  
cūmo, sed in corpore euenire opinatur. Ad confirmationem autem rationis spectant sequentia.

Quis enim non in somnijs, & nocturni visionibus extra  
se educitur, & multa videt dormendo, quæ nunquā vide-  
rat vigilando? Quis vero tam stultus & hebes sit, qui haec  
omnia quæ in solo spiritu fiant, etiā in corpore accidere arbit-  
retur? cū Ezechiel Propheta (c. 1. 2. &c.) visiones Dñi  
in spiritu, non corpore vidit, & Ioannes Apostolus Apocalyp-  
sis Sacramentum, in spiritu, non in corpore vidit & audivit,  
scilicet ipse dicit, statim inquit (Apocal. 1. v. 10.) fui in spi-  
ritu. Et Paulus (2. Cor. 12.) non audet dicere, se rapta in  
corpore. His denique subiungitur conclusio Cano-  
nis, in qua definitio repetitur & extenditur.

Omnibus itaq; publice anūtriādū est, quod qui talia, &  
haec similia credit, fidē perdit, & qui rectā fidem in Domino  
non habet, hic nō est eius, sed illius in quæ credit, id est, dia-  
boli. Nā de Dominō nostro scriptū est, (Ioan. 1. v. 3.) Omnia  
per ipsum facta sunt. Quis quis ergo aliquid credit posse fieri,  
aut aliquā creaturā in melius aut in deteriorius immu-  
tari, aut transformari in alijs speciem, vel similitudinem,  
nisi ab ipso Creatore qui omnia fecit, & per quem omnia  
facta sunt, procul dubio infidelis est, & pagano deterior.  
Ita Canon.

Ad quem, vt appareat, respiciens Burchardus li.  
19. c. de arte magica, ita scribit: Credidisti, ut aliqua  
fæmina sit, qua hoc facere posſit, quod quedam à diabolo  
decep̄, & affirmans necessario & ex precepto facere, id  
est, cum dæmonum turba, in similitudinem mulierum  
transformata (quam vulgaris fūstitia Holdam vocat)  
cerro noctibus equitare debere, super bestias, & in eodem  
se consortio annumeratam esse, si particeps fuisti istius in-  
credulitatis, annum unum per legitimas ferias pœnitere  
debes. Ex quibus satis patet fundamentum primæ  
huius sententiae.

Sed nihilominus vera & certa est contraria-  
sententia, striges non raro etiam vere & corporaliter  
ad sua illa conuenticula à dæmone transferri. Ita nunc habet communis Theologorum ac  
Iurisperitorum inter Catholicos sententia: quam ex Theologis tradunt Gulielmus Parisiensis part.  
vlt. de vniuerso c. 2. Abulensis in c. 4. Matth. q.  
47. Syluester V. Hæresis. n. 3. Caeteranus 2. 2. q.  
95. a. 3. Alphonsus à Castro de hær. punit. c. 16. Sixtus Senensis l. 5. Biblioth. annot. 73. Victoria  
relect. de Mag. q. 7. Picus Mirandulanus l. 3. dia-  
logo trix, Angles in 2. q. vn. de Mag. a. 4. Bins-  
feldius conluf. 11. Delrius lib. 2. Disquisit. quæst.  
16. & lib. 5. sect. 16. & apud eundem ex Canonis  
Turrecremata, Remigius, Grillandus, Basilius,  
Pegna, Arnoldus & Malleus Maleficarum;  
quos sequitur Nauarrus Man. cap. 11. numero  
38. Idem habet Inquisitorum fidei à summis Ponti-  
ficibus constitutorum, & omnium in Italia, Hi-  
spania, Germania, Gallia, Ecclesiasticorum tri-  
bunalium communis sensus & praxis, vt videre  
est, tum ex gestis & fama publica, tum ex diuersis Bullis Pontificum ad Inquisidores fidei cōscriptis,  
speciatim Innocentij VI. Iulij III. Adriani VI. Cle-  
mentis VII. relatis apud Binsfeldium edit vlt. &  
Delrii lib. 5. sect. 16.

Idque probatur non solum constanti & con-  
cordi confessione ipsorum vtriusque sexus vene-  
ficatorum; sed etiam alijs varijs aliorum experimē-  
tis, & oculari inspectione, quibus fides sine tem-  
peritate denegari non potest, vt videre est apud  
citatos. Quibus accedit Theologica ratio. Nam

vt dub. 1. & 2. probatū est, Angeli tam boni quam mali habent naturalem vim & potentiam corpora localiter mouendi, qua proinde etiam dæmones re ipsa facile vtuntur; sicubi & ipsi hoc suis rebus opportunum esse norint; & Deus, vt id faciant, permiserit: non est autem ratio, cur vniuer-  
sim Deus id fieri prohibeat: cum & olim in rebus alijs, & in seipso fieri hoc permiserit; & potestam s̄pē non minorem permittat dæmonibus, ad alia mala hominibus inferenda, vt in Energumenis videre est.

**10** Ceterum qua ratione hæc veritas cum citato Canone conciliari possit, non codem modo explicant authores. Nauarrus loc. cit. Man. cap. 11. num. 38. citatum Canonem ita explicare videtur, vt communiter quidem & regulariter locum habeat: nihilominus in aliquo raro casu etiam oppositum verum habere possit. Ita enim cum hunc Canonem citasset, scribit: *Peccat mortali-  
ter qui credit, veneficos, aut veneficas, vel frigidas cor-  
poraliter per aëra vebi, ad diversa loca, ut illi existi-  
mant. Quamvis credere, quod aliquando, licet raro, da-  
emon aliquas de loco in locum, Deum permittente, transpor-  
tet, non est peccatum: & experientia iudicium comper-  
tum est, in Germania, & traditur in malo malefica-  
rum & probatur rationibus late deducit ibidem. Ita-  
Nauarrus; in quem sensum etiam citatum Cano-  
nem intellexisse videtur Caetanus loc. cit. quæ  
pro se allegavit Nauarrus. Verum si Canonis  
mensuit, penitus negare translationem, non  
licet exceptionem ab eo facere.*

Alij vero putant, hunc Canonem non spectare ad nostri temporis striges; sed alias mulieres illas, que describuntur in eo Canone: quasi no- stræ quidem corporaliter transferantur; non tamen de illis hoc sentire fas sit, ita definitio Canone. Ita Alphonsus à Castro lib. 1. de punit. hæret. cap. 16. sed reuera parua est differentia inter vrasque mulieres; nec quoad translatio- nem ratio illa diuersitatis, cùr illæ solum phan- fantice, hæ reuera transferri à dæmonе existimari possint, vt recte etiam Vasquez disput. 184. cap. 3. num. 16.

Alij vt breuius, & vndique ab hoc Cano- ne se expediant, putant, hunc Canonem nullius auctoritatis esse. Quod fuse persuadere conatur Delrius lib. 5. Disquisit. Mag. sect. 6. & 16.

**11** Equidem de hac re sane graui & difficulti ita iudico. Primum existimo, huic decreto Ecclesiastici Canonis autoritatem derogari non posse: quod his rationibus probatur. I. Quia Canon. hic corpori Iuris Canonici, & iam olim ab antiquo, & nouissime à Gregorio XIII. recognito & approbato, ita insertus est, vt nullo verbo aut signo, quod in alijs suppositiis fieri solet, ei Canonis Ecclesiastici autoritas abrogetur.

II. Quia à glossa, alijsque Canonistis & inter- pretibus ibidem ita receptus est, vt nec vñus quod sciam Canonista eum repudier, quem ita etiam, vñ diximus, recipiunt Burchardus, Nauarrus lo- cis citatis: nec Theologi hactenus eum repudiaron; sed defendit recens etiam Suarez tom. 1. de relig. lib. 2. de superst. cap. 16. n. 26. nec dubitant Vasquez disp. 184. cap. 3. & Valentia disp. 4.

q. 2. pun. 2. Durum est autem in materia proprie Canonica, & Canones concerne, à communi Canonistarum omnium cæterorumque Doctorum sententia recedere.

III. Idem Canon prima etiam origine sua maximæ & vetustissima auctoritatis esse comprobatur; cum sit vel ipsius Concilij Ancyran I. vt Gratianus, & communiter Canonistæ, & Doctores in decreto ibidem notarunt; non quidem vñ ex ordinarijs eius Concilij Canonibus, sed ex quadam appendice, seu generali decreto ab eodem Concilio edito, vt referunt Binus tom. 1. Conciliorum (vbi etiam Concilium illud Ancyranum refertur approbatum à Concilio Nicano) & Carranza in summa Conciliorum, sub finem Concilij Ancyran, vbi refert, id approbatum à synodo Trullana can. 2. vel certe fit Damasi Papæ, è quodam Concilio Romano, vt sentiunt Baronius Anno Christi 314. & Binus loc. citat. Quandoquidem prorsus similia leguntur in vita Damasi Papæ, quæ exstat Romæ, in percutufo de vitis Sanctorum Codice S. Marie Maioris; vbi postquam reliqua relata essent ex synodo Romana, in qua Damasius Macedonium & Apollinarem damnavit, adiungitur, anathematizatos in ea synodo esse, maleficijs, superstitionibus, & incantationibus seruientes: ac simul, ne quis alio hoc trahat, expressa fit mentio earum mulierum, quæ putabant, se nocturno silencio, cum Herodiade, & universa multitudine mulierum, super bestias equitare, & multa terrarum spatiis peragere, vt refert recens quædam annotatio Gregoria- ñæ editionis Decreti. Et fieri etiam potest, vt Canon ille à Concilio Ancyrano dudum editus, denouo quasi renouatus, & ad praxim revocatus fuerit decreto Damasi, vt bene Suarez loco cit.

IV. Accedit, quod de mulieribus illis eadem habentur tom. 3. Augustini lib. de spiritu & lit. cap. 28. qui eti non sit Augustini, sed autho- ris non paulo recentioris, est tamen liber doctrina & p̄mis, vt censem Bellarminus lib. de scriptoribus Ecclesiasticis in Augustino: & multo verisimilius est, hunc auctórem ex illo decreto partem descripsisse, quam contra.

V. Denique nullum est firmum argumentum, quo probetur, Canonem illū suppositum esse, imo nullum fere aliud, quam quod à materia in eo decisæ & assertæ inconuenientia nouiter à nonnullis desumptum est; quod argumentatio- nis genus ad conuelendam antiquorum scriptorum, & antiquitus receptorum autoritatem, & per se odiosum, & s̄pē fallax, & hoc loco importunum infirmumque est; cum sine vñlo absurdo Canonis illius doctrina recte explicari & defendi possit, vt mox dicetur.

Neque admittere aut credere possumus, quod sine sufficienti probatione asserit, an suspicatur Delrius cit. lib. 5. sect. 6. quædam quæ scilicet minus probantur, à Burchardo, vel aliis inserta; cum ea dudum ante Burchardum, sive in decreto ipsius Concilij Ancyran, sive in vita Damasi legantur; vt taceam auctórem libri de spiritu & litera locis citatis. Ex quibus omnibus conclu- dimus, hunc Canonem, secundum id, quod in eo per-

per se & principaliter intentum ac definitum est, plane habere vim Ecclesiastica regulæ. Et hoc est primum pronuntiatum, quod de hac re statuum<sup>9</sup>.

<sup>12</sup> Secundo dico, priorem partem citati Canonis nihil habere difficultatis, sed plurimi utilitatis & solidæ prudentiae: vt magi scilicet & venefici deprehensi turpiter debonefici, ex Ecclesia seu fideliūm congregatione ejiciantur. Ex quo patet etiam crimen hoc iam olim à foro imprimis Ecclesiastico fuisse diiudicatum ad quod postea etiam Ecclesiæ praxis non immerita obseruauit. Cum enim ipsa per se Magia, Infidelitatis, Idololatriæ, & sacrilegij crimina, quæ in veneficiis precipua esse solent, plane ad forum Ecclesiasticum spectent, ac simili etiam circa consuetudinem nefariorum cum diabolo, aliorumque maleficiorum perpetratōrem, quam plures saepe difficultates scilicet ingerant, quæ non solum prudentem Iurisconsultum, sed & acutū quoque Philosophum, grauemque Theologum exercere ac dubium reddere possint, plane optandum videtur, vt præter humani iuris peritorum prudentissimos quosq; & piissimos Iudices, etiā Theologus grauis & eruditus, tam grauii aincipitiq; & periculoso Iudicio, quasi Inspector siue director adiungatur; eo saltē loco futurus, quo comode ab alijs consuli possit. De quo plura tomo 3. de processu aduersus sagas.

Tertio. Sed & quod ad posteriorē eiusdem Canonis partem attinet, in qua de mulierum translatione agitur, cum omnes quidem fateantur, saepe numero mulierculas illas præstigijs ac somnijs à diabolo immisis deludi, vt existimēt, se vere trāferri, cum reuera non transferuntur: illud mihi etiam simul persuadeo, nō malè, nec imprudenter scriptissime Caietanum, & Nauarrū locis citatis, qui censent, sapient quoad hoe deludi sagas, quā vere localiter transferri; quod etiam sentit Vasquez d. 184. c. 3. eti post laquerium, Sprengerum, Binsfeldum, contrarium sentiat Delrius l. 5. sect. 16.

Moucor his rationibus. I. Quia modus hic operandi, & per delusiones phantasticas decipiendi hominem, magis est familiaris & consentaneus dæmoni, qui mendacij Pater est, & ab imposturis diabolus dicitur. Patet hoc in alijs eiusdem operibus, quæ erga sagas exercet, vt cum pecunijs, epulisque falsis & præstigiosis saepissime sagas decipit & ludicrat. Et cum demon ex assensu & approbatione etiam phantasticorum criminum parent propemodum fructum, in animarum perditione, Deique offensa positum, habeat, parum ipsius intereat, virtutem, vt ita dicam, an fraude vincat, animasque irretiat.

II. Delusio eiusmodi phantastica, facilissima est diabolo, iuxta doctrinam generalem S. Thomæ 1. p. q. 111. a. 3. & q. 16. de malo a. 11. præsertim circa id genus mulierculas pathicas & plerumque, semifatuas, si non etiam, vt Caietanus loquitur, insensatas ac melancholicas regulas. E contrario realis illa & corporalis, translatio non leui etiam opere & labore constat diabolo: non solum quia iumenti quodammodo operâ præstare debet tā vilib<sup>9</sup> propriis; sed etiā quia in corporibus phantasticis sōpingēdis, varioq; adornando apparatu epulartum, symphoniz &c; vario opus est labore & industria.

III. Cum sine diuina permissione nihil horum à diabolo fieri possit, iure creditur, facilius à Deo permitti, vt somnijs & imaginationibus deludat sua mancipia, quam externa & reali translatione toties oblectet.

IV. Cū plerisque ex strigibus sint matrimonio iunctæ, quæ in eodem cum viris thoro cohabitare solent, impossibile esset moraliter, si frequenter totis propemodum noctibus à viris abessent, quin earum absentia à viris notaretur: & tamen eum saepe decepi, viginti, triginta & amplius annis in eo statu veneficij viris cohabitarint, nunquam tam audimus, à viris aut earum præsentiam fuisse desideratam, aut absentiam nocturno & suspicio illo tempore animaduersam. Dicere autem, quod mariti vel ab ipsis vxoribus sagis, vel à dæmons, in illo tam profundo somno aut somnio, vel etiā substituto uxoris loeo, trabe aut phantastico corpore, & inter tot conatus nunquā fallente euentu, quasi pro arbitrio deludantur, videatur incredibile. Tum quia patribus familiis quamplures facile seu ordinariae seu extraordinariae solent occurrere causa rumpendi somnum. Tum quia incredibile est, Deum facile & adeo frequenter permettere, vt innocui mariti, præsertim etiam alieno corpore substituti, non sine peccati periculo, quasi pro arbitrio diaboli deludantur.

V. Multa etiam ex his sagis, tum conjugatae, tum soluta puella, de nocte, tum ferreis claris in senectas inductis, tum occlusis foribus cubiculis, & taliusque domus ita quasi obsepta sunt, vt nec aperte primum sit diabolo fores, quin aliquis subinde stupitus audiat, nec tamen nisi aperte ianuas educere possibile sit, vt inferius dicetur.

VI. Ipsam sagarum confessiones rem saepe dubiam admodum reddunt. Tum quia non consentiunt in denuntiatione frequentationis conuicticorum, quæ inter se complices ipsa celebrent, & adiuerint; tum quia per rimas, senestras, aut foramina tam angusta, saepe etiam in aliena forma felis, aut muris, aut auis, à diabolo abductas se fuisse confidentur, vt nulla ratio permittat credere, eiusmodi translationes fuisse veras, & non phantasticas. Præterquam quod aliqua frequenter, alia non nisi raro corporales fieri translationes, præsertim coniugatarum, asseruntur.

VII. Viri pii, docti, & prudentes, qui diu eiusmodi seminarum confessionibus audiendis operam dederunt, partim & quidem non raro dubij & perplexi redundunt, an reuera ijs, quæ in hoc genere sibi cōtingisse asserunt sagas, sit fides habēda; an potius delusæ somnia pro factis narrēt; partim etiā manifeste experiuntur, nō raro delusiones & somnia esse, quas ipsa corporales translationes esse firmissime sibi persuaserunt.

In quo genere Caietanus, qui tamen vt apparet, non diu admodum hanc materiam tractauit, duo exempla notatu digna refert cit. 2. z. q. 95. a. 3. cuius verba refere placet: *Contingit, inquirit, & secundum int̄iorēm sensum apparitiones dæmonem causare, vel in alienatione à sensibus, sine perniciem attentionem, accidit superbis contemplacionis;*

qui

qui à dæmoni illuduntur in varijs imaginibus; sive perunctionem corpoream, ut accidit his, qui ire se credunt, vespere quinta feria, ad ludos Diana; vel similia diabolica. Sunt enim hæc in imaginatione, ut experientiæ teste vixum est à fide digna persona, qua mibi narravit, se vetus mulier, qua promiserat, se itaram in suam cameram, nocte illa inuenisse nudam, in propria camera infideliter constitutam. Unde & postea convertit eam ex tali confusione. *¶* In modo isto in audibon meliora ergo cito. *m* Ego quoque ab una muliere amante quendam, scio, quod diabolus unxit eam nudam, fraudens illi, quod sic diceret eam ad dominum sui dilecti, & postmodum, postquam fuit extra se multo tempore, & crederet se cum dilecto suo fuisse, &c. inuenit se in suo loco, ita laetam, quod resurrectione indiguit. &c. Et nissteo declarasset, quod imaginatio fuit, & ex tali imaginatione ita lesa esset, nescire forte usque hodie, quod illud non fuerit in veritate. Ita Caieranus; & similia referuntur etiam apud Abulensem in cap. 13. Gen. q. 3 54. Delrium & alios, & ab ipso etiam Augustino lib. 18. de ciuit. cap. 18. Est ergo probabile, sapius hac in re deludi sagas, quam vere transferri. Denique hoc saltem etiam probat authoritas citati Canonis; in quo idem et si non definitur tamen supponitur, vt dicemus.

**14** Quarto nihilominus moraliter certum est, sagas quandoque ad eiusmodi conuenticula à diabolo vere tranferri; neque id de nostris strigibus, iam ab annis circiter centum quinquaginta publice cognitis ( vt post Bernardum Commensem notauit Delrius cit. lib. 5. sect. 16. ) vlo modo negari potest, vt superius probatum est. Neque deflunt viles regule, quibus eiusmodi phantasticæ translationes à veris discernantur, vt videre est apud Delrium ibidem. Sane quidem putandum minime est, striges à dæmonibus, è quibuslibet etiam occlusis locis ita transfrerri, vt muros ipsos, aliæ villa corpora penetrerent: sed fit ea ex locis oculis translatio, aut silenter celeriterque remotis, ac mox rursum repositis ianuarum repagulis, aut per caminum, seu fenestram, tali corpori saltē pessē capiendo sufficientem; nonunquam etiam forte tabula remota, ac denovo restituta; quod de muro fieri ita subito posse, non videtur. De qua revide Petrum Tyræum de locis infestis, & Delrium lib. 2. q. 16. & 17.

**15** Quinto. Id vero quod de reali translatione sagarum diximus, cum definitione Canonis citati non pugnare, ita declaratur. Mens enim & intentio Canonis eo minime spectabat, vt definiret, an mulieres illæ recipia ad nocturna illa conuenticula à diabolo deferrerentur; sed an eo modo deferrentur, quo mulieres illæ deferti se iactabant, in ipsis Christianæ fidei perniciem & contumeliam. Nimirū palam affirmando, se veluti ad diuini cuiusdam numinis commercium ac societatem adscitas, nō à malo dæmons raptatas nec eo comite deductas, sed Diana Dea olim paganis celebrata sive Herodiade ( ad Diuorum itidem felicitatem euecta ) euocante ac honorifice ducente, bestijs quibusdam, ad hoc seruitum diuinitus destinatis, inequantes, multarum terrarum spatia peragrange, noctesque certas in eius, sive Dianæ, sive Herodiadis seruitio religiose consumere.

Id quod cum alij quam plures, inquit Canon, impie credant, paganorum errore impie inueluntur; aliquid diuinitatis, aut numinis extra unum Deum arbitrantur: cum tamen hæc profusa sint falsa; eaque phantasmata, non à diuino, sed à maligno spiritu profiscantur; qui in somnis varijs modis homines, præfertim mulierculas eiuscemodi, iam ante per infidelitatem sibi devinctas, solet deludere. Quo sit, vt cum solus spiritus eiuscmodi phantasmatum illusionem patiatur, mens iam illa infidelitate impie praoccupata, ea nō in animo, sed in corpore evenire opinetur.

Sed & aliorum etiam hominum nullus est, qui non plurimis visis & phantasmis in somno quandoque deludatur; neque ramen quisquā tam stultus est, qui hæc omnia ( in somniis scilicet visa ) qua in solo spiritu sunt, etiam in corpore accidere arbitretur. Neque vero vel ipsorum etiam Prophætæ & Apostolorū, speciatim Ezechielis, Ioannis, & Pauli diuinæ visiones & raptus in corpore, sed in mēte acciderunt: quanto ergo minus, mulierculas istas, vt eque diuini spiritus familiaritatē iactēt, ipso etiā corpore vere à diuino quoniā Numine, in alienas terras rapi credendū est.

Palam itaque omnibus denunciantur, eos quia talia, & his, quæ à mulierculis istis impie iactantur, similia credunt, fidē pdere, ac in diaboli potestate transire. Vnus est enim Deus, & Dominus, per quæ facta sunt omnia. Quisquis ergo credit, aliquid fieri posse, aut creatura vllā in aliam speciem, sive similitudinē posse transmutari, ab alio quoniā Numine, præterquā ab ipso vnlīo Creatore cœli & terra, infelis; & quia à vera fide Apostata, pagano deterior est. Haec tenus Canonis sententia, quam ita etiam communiter tradunt Doctores, speciatim Turrecremata in illum textum art. 3. Abulensis in c. 13. Genes. q. 3 54. Sylvestris V. Hæresis 3. Suarez cit. tom. 1. de relig. lib. 2. de Superst. cap. 16. fin. & ferè Delrius lib. 5. sect. 16.

Atque hanc esse ipsissimam mentem, & quasi paraphrasin Canonis illi⁹, quoad posteriorē illa partem, ex ipsis verbis Canonis aperte intelliget, quisquis hanc interpretationem cū ipso Canone voluerit conferre: præsentim quando in eo tam aperte Diana, paganorum Deæ, fit mentio; simulque dicitur, muliercularū istarum, aliorūque similiūm persuasionem, fuisse ei perfida & infidelitate coniunctam, & errorem paganorum involuisse; cum aliquid diuinitatis aut Numinis, extra unum verum Deum arbitrarentur. Item cū in ipsa definitione Canonis assertur, talia phantasmata non à diuino, sed à maligno spiritu mentibus fideliū irrogari. Vbi vides, definitionem Canonis eo nō spectare, vt ea translatione quoad substatia habeatur phantastica; sed vt à diuino aliquo eiuscemodi spiritu, pfecta nō credatur.

Et mox quidem in modo diabolice deceptio nis explicando, ea ratio initur, qua ipsa etiā translatione phantastica esse significetur: porro si enim alias Canon dicere, transfreri quidem illas subinde, at non à diuino, sed à maligno spiritu, Diana aut Herodiadis speciem assumente: verum illud nec definitur; sed solum vt ratio & modus faciliter definitam explicandi additur; qui vt plurimum fortassis etiam in illis mulierculis à diabolo

diabolo fascinatis locum habebat; nec vispam asseritur, translationem veram à diabolo nunquam fieri; sed non fieri ab aliquo Numine gentilitio, vt secum fieri mulierculæ illæ palam gloriabantur. Quæ proinde tametsi quoad ipsam substantiam criminis, ipsorumque etiam diabolicorum conuenticulorum impiam celebrationem, cum nostris strigibus planè conuenirent; tamen ea gloriatione & sacrilega iactatione alieni Numinis à nostris differabant: tametsi nostræ quoque striges cum unius veri Dei fidem abiurent, & dæmonis cultui adverterationi se addicant, vtique alium quoque Deum, nempe diabolum ipsum, sibi prout numine constituant: sed quem tamen palam velut Deum profiteri & iactare non audent.

18 Quo fit, vt neque Burchardus, neque Nauarrus locis supra citatis, mentem Canonis satis assecuti fuerint; neque tamen ex eo quicquam argumenti desumit possit, ad probandum, striges nostri temporis à diabolo ad conuenticula illa magica, quantumvis dissita non transferri.

#### D V B I V M I V.

*An etiam sit in Angelo naturale vis seu potentia productiva alicuius substantia vel qualitatibus? Et quid speciatim de sagarum conversione in varias formas animalium, tempestatumq[ue] nocturnarum concitacione sentiendum.*

S. Thomas 1. p. q. 110. 3. 1. & 2.

DE hæc re sequentes assertiones statuo. Assertion I. Non est in Angelis potentia, immaterialè aut per se productiva ullius substantiaz; quare nec possunt ipsi ullam formam substantialem per se a propria virtute producere. Ita Sanctus Thomas cit. quæstionē 110. artic. 2. Bonaventura in 2. distinctionē 8. part. 1. artic. 2. quæst. 2. Albertus dist. 7. art. 8. Agidius quæst. 3. art. 1. Richardus artic. 4. quæst. 1. Durandus quæst. 4. Scotus. 8. quæst. vn. Argentina quæst. 1. art. 2. Bassolis quæst. vn. Ferrariensis 3. cont. gent. cap. 10.; omnesque recentiores; quam idcirco etiam Vasquez disp. 218. cap. 1. vocat *concordem scholasticorum sententiam*; & Suarez hic libro 4. cap. 25. num. 4. ait, *eam sine magna temeritate non posse negari*; quicquid & Plato olim dixerit apud Augustinum libro 12. de ciuit. cap. 24. Angelos ex praiaacente materia produxisse res corporeas: aliquæ nonnulli heretici apud Irenaeum, & Epiphanius contra hæret. damnati idcirco in Concilio Brachatensi I. can. 8. & 12. & forte etiam norati ab Apostolo Coloss. 2. versu 8. & 18. creationem etiam quarundam substantiarum Angelis tribuerint. Contra quem errorum differit S. Thomas 1. part. quæst. 44. art. 1. & quæst. 45. art. 1. & 5. & quæst. 61. art. 1. & quæst. 65. art. 1. & 3. & dictum nonnihil supra quæst. 1. dub. 1.

Probatur assertio primum auctoritate. Ita enim videtur definitum in Concilio Brachatensi cit. can. 8. vbi dicitur, *Si quis credit, quod aliquantus naturalis diabolus in mundo fecerit: tonitrua & fulgura, & tempestates & siccitates, ipse diabolus auctoritate sua faciat*, sicut Priscillianus dixit, *anathema sit*. Et can. 12. speciatim de plasmatione hominis: *Si quis plasmationem humani corporis, diaboli dicere effigientum, & conceptiones in utero matrum, operibus dicit de monum figurari, propter quod resurrectionem carnis non credit*, sicut Manichæus & Priscillianus dixerunt, *anathema sit*. Quanquam cum hoc loco directe agatur contra Manichæos & Priscillianistas, qui hasce creaturas tanquam opera diaboli incusabant, mens fortassis non fuit, vniuersum negare, Angelos habere potestatem aliquā Deo primo auctori subordinatam per se prouducendi alias substantias. Huc spectat etiam Canon Episcopi 26. quæst. 5. ex Concilio Aneyrano citatus dub. præzed. quem ad hoc propositū etiam adducit Vasquez loc. cit. n. 5. Idem docent Ambrosius lib. 1. de fid. cont. Arian. cap. 8. & Augustinus lib. 12. de ciuit. cap. 24. & lib. 3. de Trinit. c. 7. & 8. Leo epist. 93. ad Turibium cap. 8. & fauet etiam Aristoteles 7. Metaph. cap. 6. à text. 22.

Secundò probatur ratione. I. Quia ad has formas producendas, sunt alia causa naturales per se constituta, & quidem non subordinate Angelis: Ergo neque necessaria est hæc vis agendia in Angelis, neque recte eis attribui potest: Tum quia vt natura in necessarijs non deficit, ita nec amat superflua, præfertim plures causas secundas & particulares, toto genere diversas, & inter se non dependentes, ad eosdem effectus per se producendos destinando. Tum quia cum Angelis sint superioris naturæ, quæm agentia corporea, sane si ipsi per se haberebunt producendi substantias seu substanciales formas, pareret, vt agentia corporeæ illis subordinarentur.

II. Non est ratio, cur Angeli has potius formas substanciales, in se eminenter contineant, adeoque per se producere possint, quam alias, sive loquuntur de formis actu existentibus, sive de possibilibus; omnes autem in se continere eminenter, solius Dei proprium est.

III. Substantiaz naturales omnes, producunt substancialias medianibus accidentibus velut instrumentis naturalibus; ac sua natura necessarij actus & productivis suorum effectuum; in Angelis autem nulla talis potentia est cogitabilis, præfertim quæ per se possit producere tam varijs effectus; cum in ijs non sit alia potentia ad extra-operativa, quæm potentia locomotiva, cui tam varijs diuersi, imo etiam contrarij effectus attribui non possunt; cum adæquatus eius actus sit motus localis.

IV. Acceditratio Sancti Thomæ citat. quæstione 110. articulo secundo. Quia una substantia non potest producere aliam corpoream substantiam, nisi vel totam illam eminenter contineat, vt Deus, vel habeat similitudinem cum effectu, saltem in modo essendi, seu compositionis substancialis ex materia & forma; vt sunt substantiaz corporeæ: quorum neutrum inuenitur in Angelis: Ergo, &c.